

Das ander vnd dritte Zeugnis reimpt sich zu gegenwertigen handel / wie ein Fauff auff ein Aug. Denn Cepha/Paulus vnd Apollo/hatten einerley/vnd nicht widerwertige Lehr geführet: Calvinus aber / Zwinglius vnd Luther/haben nicht einerley/sondern ganz widerwertige Lehr / welche neben einander nicht bestehen können.

Solches haben etliche aus den Calvinisten selbstten wol gesehen / vnd gemerckt / das es mit diesem Apostolischen Gleichnis / auff ihrer seiten nicht wol getroffen seye / darumb haben sie eine Newe außflucht erdacht / vnd fürgegeben/es sey ein grosser vnterscheid/zwischen vberwiesenen vnd verdampften Kerkern/die ihren Anfänger zu ihrem Meister auffwerffen / vnd sich darüber Christi vnd seiner warhafften Gemein vnd Kirchen begeben / vnd zwischen ihnen / die solches nicht thun. Darauff von ihnen billich begert wird / Sie sollen doch einige Keker zeigen oder nennen/die sich also nach iren Meistern genennet / vñ sich der aestalt zu Meistern auffgeworffen/die sie sich Christi / vnd seiner warhafften Gemein vnd Kirchen begeben hetten. Keinen werden sie nimmermehr zeigen/sondern alle Keker haben sich gerühmet/wie die Zwingli-
aner vnd Calvinisten auch / das sie Christi
Lehr